

LE
NORMANT
SOVRT, AVEV-
GLE ET MVET.

ENSEMBLE VN DIA-
logue entre Jean qui sçait tout &
Thibaut le Natier.



A PARIS,

Chez ABRAHAM SAVGRAIN, rue
S. Jacques au dessus de S. Benoist.

M. DC. XVII.

Toute la coppie Imprimée à Rouen, avec permission.

CASE


F

39

.326

1617mor

THE NEWBERRY
LIBRARY



LE
NORMANT
SOVRT, AVEVGLE
ET MVET.

ENSEMBLE VN DIA-
logue entre Iean qui sçait tout
& Thibaut le Natier.



E suis souvt, aueugle & muet,
Et si ie sçay bien des affaires,
Le tiens dans ma main vn liuier,
Duquel ie ne me soucie guères,
Où estes vous langues legeres,
Qui sçauiez si bien discourir,

Leuez l'aubert de vos paupieres,
Car il n'est plus temps de dormir.

La nature me fait sçauoir
Que nous allons auoir la guerre,
L'on voit par tout cest estrange
Venir assieger nostre terre:
Vn quidan que l'on tient en serre,
Afin de briser comme vn verre,
Ces chaux Coyons d'Italiens.

Ces chaux Coyons d'Italiens.

Tous les François sont fort esmeus
 Au temps present là où nous sommes,
 Voyant des hommes incognus,
 Lesquels ne sont pas Gentils-hommes :
 A Dieu nos bleds, poires & pommes,
 Qui croissent au terroir Normand,
 Estant mangez par plusieurs hommes,
 Portant ce beau nom de Gourmand.

Le poisson doux se voit ià prins
 Nourry dans le fleuve de Seine,
 Et nos beaux bœufs à gras trotins
 Vn Monsieur les tient à la chaine :
 L'or & l'argent de ce domaine,
 Va estre seellé & bridé,
 Où estes-vous grand Capitaine
 Mal-heur de vous voir decédé.

Pionniers sont de toutes parts,
 Avec picquois par nos campagnes,
 Soustenus d'un nombre de soldats,
 Venus des hautes Allemagnes,
 François gardons ceux des Espagnes,
 D'autant qu'ils sont mauuais garçons,
 Ils tiendront plus fort que des taignes,
 Estant entrez dans nos maisons.

Je suis fasché belle Themis,
 Qui laissez fouler la patrie,
 N'estes-vous point des bons amis
 De ce grand Coyon d'Italie :
 Or Adieu pauvre Normandie,
 Si tu n'as bien tost du repos,
 Pour soulager ta maladie,
 Que souffres portant trop d'impots.


5
Où sont les nobles du grand Mars,
Qu'ils ne deffendent la Prouince,
Seroyent ils bien venus couïards,
Pour en voir vn qui n'est pas Prince,
Plusieurs sont subiects à la pince,
Qui causent nombre de dangers,
Gardons nous bien d'une surprinse
Et de dessante d'estrangers.

L'on dit que plusieurs Gouverneurs,
Honore le coyon Conchine,
C'est le suiet de nos malheurs,
Si Quille-bœuf on ne ruine:
Prions ceste bonté diuine,
De seruir tousiours nostre Roy,
Tel se voit faire bonne mine,
Qui pourra choir en desarroy.

Le tiers Estat s'aduançe au pas,
Pour descouurir sa douleance,
Il craint que l'on n'entende pas,
Le mal qu'on souffre dans la France,
Il ne peut plus viure en souffrance,
Sous les differens de la Cour,
Par sa tres-douce remonstrance,
Demande paix au temps qui court.

Clergé priez le Souuerain,
Qu'il fasse fin à ce discorde,
Que nostre Roy doux & humain,
Puisse viure en paix & concorde,
Dieu faites nous misericorde,
Et voir nos Princes bien vnis,
Que ce grand different s'accorde.
François cryons viue L O V R S.

Dieu garde le Roy.



DIALOGVE ENTRE IEAN

qui sçait tout, & Thibaut
le Natier.

Thibaut le Natier.



Ean qui sçait tout dictes-moy les nou-
uelles

Du bruiet qui court en ce pays Fran-
çois?

Jean qui sçait tout.

Voisin Thibaut les nouvelles sont telles,
Qu'un Goliath est mort à ceste fois,
Ce fier Geant par son outre-cuidance,
Vouloit raur la Palestine France
Mais ce bon Roy inspiré du grand Dieu
Comme vn Dauid l'a mis hors de ce lieu,
Où il faisoit bastir vne Rochelle,
Pour mieux tenir les François-en cernelle,
Et se monstrec vn iour leur souuerain.

Thibaut.

Dieu qu'est cecy, ô le grand coup de main!

Jean.

Ce n'est pas tout Thibaut tu dois entendre
Que ce tyran faisoit par tout estendre
Son vain pouuoir pour dompter nostre Roy,
Tous les François estoient en desarroy,
De ceste Cour auoit ben y les Princes,
Et ruinoit nos Françoises Prouinces,
En y logeant des cruels estrangers.

7
Thibaut.

Dieu quels dangers,
Iean qui sçait tout ne dit-on autre chose?

Iean.

Ouy, ouy Thibaut ie n'ay la bouche clause,
Vn bruiet commun est du traistre meschant,
Qui conspira contre Henry le Grand,
Et qu'il estoit de la cruelle bande
D'un Rauaillac, qui est dans la legende
Des mal-heureux, souffrant dans vn Enfer,
Ce Coyon'mort, mandé du Lucifer
Pour comparoir dans l'infernalle salle,
Où est iugé la troupe desloyable
Pour les punir chacun de leur mal-fait.

Thibaut.

Dieu quel effait.

Iean.

Escoute moy Thibaut tu dois cognoistre,
Que ce Coyon aspireit à ce sceptre,
Que tient en main ce puissant Roy Louys,
Et de iouyr des saintes fleurs de Lys,
Par ces Estats qu'il auoit par finesse,
Sous le viel sort de son enchanteresse,
Qui enchantoit le Roy & son conseil.

Thibaut.

Quel appareil.

Jean.

Voisin Thibaut ie te veux icy dire,
Que ce Maran auoit ià fait escrire
Sur du papier, nombre de blancs signez,
Pour mieux tenir les François obligez,
A luy payer rançon insupportable,
Estant monté au ioug de Connestable

Eust fait occir Roy, Princes, Gouverneurs.

Thibaut.

Quelle pytié, ô sinistres malheurs !

Jean.

L'on dit Thibaut que sous sa tragedie,
Faisoit leuer par tout gend' armerie,
Pour s'installer à la place du Roy,
Sous la faueur du nom de vice-Roy,
Les bons François eust déclaré rebelles,
En refusant ses œuvres criminelles,
Chacun trembloit sous son fatal pouuoir
Sa fin se voit d'Aman le vray miroir.

Thibaut.

O le grand heur d'estre hors de martyre !

Jean.

Thibaut l'on dit qu'il domptoit la Iustice,
Pour ne se voir chastiez de son vice,
A tous pechez prenoit son passe-temps,
Sous son Demon passoit ainsi le temps,
En luy regnoit cruauté & l'enuie,
Luxurieux c'est veu toute sa vie,
Pour assouvir tous ses plaisirs mondains.

Thibaut.

Dieu quels dessains.

Jean.

Thibaut l'on dit que la vieille Megere
Est à present dans Paris prisonniere,
Sans aucun poil du pied iusqu'aux cheueux,
Rien ne luy sert son sort ny ses faux Dieux,
Encore moins sa foudre & sa magie,
A vn magot paroist son effigie
Rage, tremeur la met en delarroy,
En redoutant la Iustice du Roy,

Incessamment

Incessamment inuocque sa clemence,
 Mais elle n'est atteinte d'innocence
 Du trouble mis dans le François Estat,
 Pour y loger Conchin par attentat:
 Qui la veur voir proche de Proserpine,
 Où l'on l'attent pour faire la cuisine,
 Du relicat de ce cruel Conchin,

Thibaut.

O coup diuin!

Jean.

Thibaut l'on dit que ces braues Cyclopes,
 Veulent auoir les estrangeres tropes,
 De ce Coyon perfide desloyal,
 Vray ennemy de tout le sang Royal,
 Qui desiroit ruyner nostre France.
 Et nous ranger au ioug de leur puissance,
 Sous ce Bachas qui c'est veu terrasser,
 Trainé, pendu bruslé sur le boubrier,
 L'air en a prins la cendre mal-heureuse.

Thibaut.

O iournee tres heureuse:


Jean.

Thibaut l'on dit que les chefs de Lorraine,
 Font retirer soldats & Capitaine,
 Par le vouloir de nostre Roy Louys,
 Pour mettre en paix les Francois du pays,
 Sus estrangers pliez vostre bagage,
 Vous n'aurez pas nostre bien au pillage,
 Tout vos desseins sont enterrassez en bas.

Thibaut.

Dieu gard celuy qui tua Goliath.

B



COMPLAINTE

lamentable.

Sur le chant, Dames d'honneur.



Nobles François ie vous prie à
 mains iointes,
 D'auoir esgard à mes tristes
 complaints,
 Les grandstourmens que por-
 te dans mon cœur,

Me cause ont toute ma vie douleur.

Damnable sort detestable magie,
 Par qui ie dois vn iour perdre la vie,
 Si le bon Roy ne prend pitié de moy
 Mon corps sera mis en piteux arroy.

Helas, hélas/ ou estoit ma croyance?
 Quand par mon sort i'ay trouble ceste France,
 Pour agrandir mon mal-heureux mary,
 De mes mal-heurs i'en ay le cœur marry.

O iour fatal maudite destinee,
 Si ie me voy dans vn enfer damnee,
 Mieux m'eust vallu mourir a mon berceau,
 Que de finir par les mains d'un bourreau.


Malheureux est qui se fie à fortune,
 Par les grandeurs ie suis trop importune,
 Obeissant au vouloir de Conchin,
 Plusieurs tourmens i'auray pour mon butin.

Qui rend bien plus mon courage debille
 C'est que ie crains que ma pauvre famille,
 Ainsi que moy ne fasse son trespas,
 Et qu'ils ne soyent surprins dans mes apas,
 Pour me sauuer de cruelles miseres,
 Rien ne me sert demons ny carracteres.
 Ny mes trefors , ny riches affiquets,
 N'enpescheront mes douleurs aux gibets.
 I'ay vn regret dedans ma conscience,
 D'auoir quitté mon pays de Florence,
 Pour m'en venir tourmenter les François,
 Qui n'ont pitié de mes funebres voix.

Dames prenez exemples à mon martire,
 Et ne troublez Royaumes ny Empire,
 Pour vos maris ne vous faites damner,
 Le mien me fait à la mort condamner.

Mon Dieu , mon Roy , l'Eglise & la Iustice,
 Pardonnez moy mes pechez & mon vice,
 Il vaudroit mieux iamais ne marier
 Que d'aller prendre si meschant Menuisier.

FIN.



RESIOVISSANCE SVR LE CHANT,

De viue la fleur de Lys.

DIE V tout plein de puissance,
Faiçt voir aux bons François
L'honneur & la vaillance,
De ce Roy Bourbonnois,
Ayant en son ieune aage,

Dompté ses ennemis,
Chantons de bon courage,
Viue le Roy Louys.

Le Roy tres-debonnaire,
Travaillé de partir,
Soubs vn forcier corsaire,
Qui nous faisoit languir,
Par la ferueur diuine,
Ce monstre fust surpris,
Et sa troupe mutine,
Prisonniere à Paris.

Entrant dedans le Louure,
Hardi comme il souloit
Sur son chef se descouure,
Cinq coup de pistolet,
Son fatal caractere,
Ne luy seruit de rien,
Veu mort sur la poussiere,
Se fust vn tres grand bien.

Vne voix solitaire,
 Alors vint demander,
 Qui a fait telle affaire,
 Nostre Roy va parler,
 Dit en haute parolles,
 Qui fust sans nul effroy,
 Ie n'ay plus de controlle,
 Estant maintenant Roy.

Le corps fut mis en terre,
 Pour luy trop grand honneur,
 Le peuple le deterre,
 Pour voir cest enchanteur,
 Qui enchantoit la France,
 Pour s'en faire le chef,
 Heureuse deliurance,
 De luy voir ce meschef.

Ce peuple en sa furie,
 Sans le mandat du Roy,
 L'ont mis en la voirie.
 Par ion grand desarroy,
 Apres l'ont este pendre,
 Et bruslé par mourceaux,
 Sa malheureuse cendre,
 L'exempte des corbeaux.

Par son sort incurable,
 Princes estoient bannis,
 De ce corps indomptable,
 Du treisiesme Louys,
 Tenant sous sa puissance,
 Du bon Roy le Conseil,
 Voulant en ceste France,
 Estre le Vray Soleil.

Ce Coyon par finesse,
 Auoit plusieurs soldats,
 Pour reduire en tristesse,
 Tous les pauvres Picards,
 Quittant la Picardie,
 Vint avec ses tyrans:
 Dedans la Normandie,
 Gourmander les Normands.

Le glouton Bargamache,
 Estant leur gouuerneur
 Tira le bon pont de l'Arche,
 Des mains d'un bon seigneur,
 Non content des richesses
 Il voulut auoir Caen;
 Ses subtiles finesse,
 On fait maints pauvres gens.

Ce cruel infidelle,
 Pour faire vn monde neuf
 Faisoit vne Rochelle
 Au fort de Quille-beuf,
 Les ports & les passages,
 De Seine & de la mer,
 Vouloit mettre en ses gages,
 Pour se faire resgner.

Dieu qui scait toutes choses,
 Y a mis les deux mains,
 Par des metamorphoses,
 Fait fin à ses desseins
 Massons & gens de guerre,
 Comme ceux de Babel,
 Sont renuersez par terre,
 Et leur Luciabel.

O ioyeuses nouuelles,
 Pour tous les bons François,
 De voir nos infidelles,
 Domppez d vn Bourbonnois,
 Esgayez vous bons Princes,
 Embraslez nostre Roy,
 Par toutes ses Prouinces,
 Vous maintiendra sa foy.
 Contrefers de Conchine,
 Au Roy vous faut ceder,
 Et vous sa Merluzine,
 Il vous conuient trembler.
 L'on dit par tout le monde,
 Que vostre Marechal,
 Dans enfer fait sa ronde,
 A pied sans nul cheual.
 François prenons courage,
 Nous allons voir la paix,
 Bleds & fruiets au village
 Paroistront a grand faix,
 L'Eglise, la Noblesse,
 Marchands & Laboureux,
 Sautez en all gresse,
 Voyans morts nos haineux.
 O l'heureuse iournée!
 De voir vn tel effet,
 De Dieu estoit donnee,
 Pour punir le forfait
 De ce beau Marquis d'Ancre
 Qui troubloit les François,
 Dedans l'air est a l'ancre,
 Pour le rendre aux abois.

Dieu soit ma souue. garde,
Et mon bon Roy Louys,
Soldat ie suis en garde,
Pour les trois fleurs de Lys,
Messieurs de la Iustice,
Excusez cest autheur,
Composant sans malice,
Ce subiect tout plein d'heur.

Dieu garde le Roy.



